

## Дагъусттаннал тарихрал цусса лажин



Шайх АхИмад Аль-Хазражи ва шайх АхИмад-Афанди Идавсил ☞ чIара шюшаву дуллаи

ХIурмат бусса уссурвал ва ссурвал, бусурман агълу! Ва шинайн бияннингу цимигу буссия Дагъусттаннал тарихраву ххарисса байраннан ккали бан бучIисса лахIарду. Амма ва ххаришиву гайннул сияхIраву хъхъичIра-хъхъичI дишин лайкъри.


макъала: Абдуллагъ Аьлиев

Августрал 25-нний тарихраву хъхъичIра-хъхъичI жучIанма бувкIунни Аллагънал ☞ ляхъан бувсса халкъуннава яла ххирама Идавсил ☞ асарду (реликви): чIирттаравасса ва бакIраясса чIарарду,

мигърайжрай гъаз увсса чIумал ларххун диркIсса лаххия. Дия цаймигу кымат лавайсса асарду. Ми асарду дучIаву чIалай дур цува Идавс ☞ жучIана хъамалу учIаву кунна. Хьиннува ххарисса иш бур жулва халкъуннал ми асарду хъуна даркъусса куц. Асарду лавсун бувкIмий хъуна бакъин аэропортрайн бувкIсса агъалинал цери, гиккусса машинартталвагу чIявушиврул хIисав дан бюхълай бакъая. Мияйжаннугу, шикку чIалай дия жулва бусурманнал дакIурдивусса МухIаммад ИдавсичIансса ☞ ччаву, эшкъи. Шичча циняв бавчуна МахIачкъалалул Хъун мизитравун, мивугу ччан бизансса кIану

бакъая ххирасса хъамал хъуна бакъин бавтIминнал бувцIуну. Идавсил ☞ асарду лавсун бувкIун бия чIявусса аьлимтал, Расулуллагънал ☞ наслулул вакилтал, миннал бакIчигу ия щалва дуняллийсса ансартурал хъунама – шайх АхИмад Аль-Хазражи. Му цувагу хъанахъ-иссар Идавсил ☞ асарду дуруччаврий каялушиву дуллалима. Аллагънайн ☞ хъул бур Дагъусттаннайн дуркIсса ххирасса асарду сававну жулва халкъуннаву цашиву, уссушиву гъарза хъунссар, щалвагу бусурманнал умматрая бала-апатIру ахр хъунссар, барачат бишинссар, тIисса.

Ва номерданий :



лаж. 4

Мубараксса чIара Дагъусттаннай личIантIиссар



лаж. 6

Танин къабулланну чак?!



лаж. 7

Щушарниясса Аьбдул-Маннан

## Салаватрал ххирашиву

Идавсин салават дутаву – тIаабгиртгал яла ххираминниятур, къурубатиртгал яла хъуниминниятур, макъаматиртгал яла лавайминниятур, хIалатиртгал яла ххуйминдиятур. Му дутаврил даражалул бюхтулшивугу, мунил къадру-къиматгу, чиригу Аллагънан ☞ бакъа къакIулссар. ХIатта, ца ссалават Идавсия ☞ дутарча, ацIра Аллагънал ☞, ацIра малаиктуврал, ацIра цалла Расулуллагънал ☞ му дуртманаятугу дутайссар, ацIва даража бюхттул байссар, ацIва хатIа яла гъан байссар. Гъарца задрал муная салават дутайссар. АцIра салават кIюрххил, ацIра къуннилай дутаварча, Къиямасса Къинилул ццахханная уруччайссар, бивкIулчIасса инжитшиву бигъа дайссар, идавстураштал, сиддийкъинтуруштал изангу антIиссар, сиратIрал ламуйх лахъайний Идавсил ☞ кагу дугъантIиссар, Идавсил ХIавзрая хIачIангу антIиссар, мунал шафааьту биянтIиссар.

Аллагъу Тааьлалан ляхъан бувсса цавай малаиктал буссар мусил къаламругу, арцул чагъардугу канихъсса, Идавсиятугу ☞, мунал агъулданиятугу салават дутаймий бакъа къачичайсса. Идавсия ☞ салават дуртъгари гъарицаннин ца-ца малаик ляхъан айссар, ца хъа машрикърайн, ца хъа магърибрайн дирсса. Ми малаиктал Къиямасса Къини дучIаннин муная салават дутлай бикIайссар. Муъминчувнал Идавсия ☞ салават дуртукун, Идавсил ☞ гъаттай ца малаик уссар, му малаикнал ларсун му салават, мунал гъаттайн диян дурну учайссар: «Я МухIаммад, вилва умматиндаятуса пуланнал арнал пуланнал вияту салават дуртунни», – куну. Расулуллагъналгу ☞ учайссар: «Инагу мунан ттуяту ацIра салаватгу диян да, ттул шафааьт цанма хIалал хушивугу буси», – куну. Яла, му малаик лавхъун Аьршрайн учайссар: «Я Рабби, пуланнал

арнал пуланнал Вил ххираманая ссалават дуртунни – куну. Аллагъналгу ☞ учайссар: «Инагу мунайн ттуяту ацIра салават диян да», – куну. Яла Аллагънал ☞ ляхъан байссар мунил хIарпирдал бакIрахсса малаиктал, гъарцанналгу шанттуршлий ряхцIалла бакI дусса, гъарца бакIравугу шанттуршлий ряхцIалла лажин дусса, гъарца лажиндаравугу шанттуршлий ряхцIалва къацI бусса, гъарца къацIливугу шанттуршлий ряхцIалва маз бусса, гъарца мазралгу Аллагънаха ☞ санаь дуллалиссар личIи-личIийсса жураддай шанттуршлий ряхцIалда шинай. Миннул цинявннул чиригу Къиямасса Къини дияннин му ссалават дуртнаха чичIалиссар. Ялагу му салаватрал ххирашиврул хавар: Расулуллагъ ☞ миъражрайн лавхъсса хъхъуну мунан ца малаик ккавкссар лажин лувну агъну, хъаттирдугу дурккун, чурххал куцгу даххана хъуну.



# Идавсил ﷺ чIарарду шюшаврил церемония



Август зурул 26-нний хьунни циняв Дагъусттаннал бусурман ялугълай бивкIсса иш – Идавсил чIарарду шюшаву. Му ишираву гьуртту хьунин Дагъусттаннал муфтий – шайх АхIмад-Афанди Абдуллаев.

Ххирасса ﷺ чIарарду шюшиншиврул хIадур дурну дия хьинну исвагIсса тIахунтту. Цал чIарарду дархIунни кIяласса янनावулу, дирхьунни ланжарттуву. Миккун дачин дурунни Зам-зам щин. Идавсил ﷺ чIарардавух ларгсса щин дуртIуннин шушравун. Вай барачатрал дурцIусса щин дачIинтIиссар Дагъусттаннал халкьуннайх. Мува куццуйсса церемония бувуна зиярат лакълакьисса кьинигу.



# Халкь бур барчаллагъ тIий!

МухIаммад ﷺ Идавсил асарду ккаккан бувкIуна хьинну чIявусса бусурман. Асарду ккаккан дирхьуна Аьли Аьлиевлул цIанийсса спорткомплексраву. Шиккун кIиришиврух кьабурувгун, мюрши-хьуни кьаувкуну, азрахьул инсантал бавтIун бия. Хьхьугу кьинигу халкь занай бия цана ххирасса Идавсицал ﷺ дархIусса асардах бурган.

Укун хьуннасса, агьамшиву дусса иш шаллу бан кьабюхьанссия Дагъусттаннал бакIчи Рамазан АьбдуллатIиповлул ва правительстволул кумаг кьабувссания, цинярдагу гьурттушинна дурсса идарртгал цацIун хьуну зий кьабивкIссания. Миннал хьунмасса хIарачат бувунни асарду лайкьну хьунагу даркьуну ккаккан дан. Рамазан ХIажимурадович цувагу увкIунни вайннух урган.

Дагъусттаннал агьулданун ва байран хьун давриву хьунмасса хIарачат бувссар сенатор Сулейман Керимовлулгу. Асарду дучIан даврицIун бавхIусса циняв харж мунал цайнма лавсIсар, цIунилгу Аллагъ ﷻ рязисса иширттаву гьуртту хьуну. Циняв шиккун бувкIмий бур барчаллагъ тIий ва байран дуллай захIмат бивхьуминнахь.



# Аьрабнал мавлудру дурккунни



ЖучIанма Идавсил ﷺ асарду лавсун бувкIсса Аьрабнал хIукуматирттавасса хьамал – хьунисса аьлимталли, цивпагу МухIаммад Идавсил ﷺ наслулувацца.

Мий бия хьинну ххари ва махIаттал хьуну, Дагъусттаннал бусурман диндалул иширттаву хьхьичIунмайсса, цIакьсса иман дусса льявкьукун. Мизитраву ва асарду бивхьусса спорткомплексраву миннал хьинну исвагIсса чIурдай дурккуна мавлудру. Миннал каруннал бувгьуну бия чIюннугу, жулва агьали кунма мударн Аллагъ ﷻ кIицI лаглай бия.



**Учредитель**  
Благотворительный фонд «Путь».  
Газета печатается по согласованию и одобрению Духовного управления мусульман Дагестана

**Редакционный совет**  
Председатель редакционного совета муфтий РД  
Ахмад-хаджи АБДУЛАЕВ  
заместитель муфтия РД  
Махди-хаджи МУТАИЛОВ

**Главный редактор**  
Заурбек (Абдулла) ЯИКБАЕВ

**Редактор**  
Иса ОМАРОВ

**Канонический редактор**  
Курамухаммад МАГОМЕДОВ

**Менеджер**  
Абдусабир АХМЕДОВ

**Дизайн, вёрстка**  
Мухаммад МУСАЕВ

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.  
При перепечатке ссылка обязательна.  
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ №

**Тираж 3000 экз.**  
Сдано в печать 3 августа 2013 г. в 16:00

**Индекс 51388**

**Адрес редакции**  
367015, РД, г. Махачкала, ул. Аскерханова 13а.  
Тел.: (8722) 51-85-22.

По вопросам подписки и доставки обращаться по телефонам: 914-222, 8-988-291-42-22.

**E-mail:** assalamlak@mail.ru  
**www.assalam.ru**



## АсардачӀан зиярат

Алагънайн шукру жунма буллусса циняв неъматиртгахлу. Неъматиртгава яла хъунмамур буллуну, жува бусурман хъун бувсса. Жуйнна вай неъматиртгал ялун дирунни хъиннува хъунмасса неъмат ва ххаришиву – август зурул ахирданий Дагъусттаннал агъулданун ккаккан лавсун бувкӀуна ххирасса МухӀаммад идавсил ﷺ асарду.

макъала: ХӀабиб ХӀажиаълиев

Идавсил яла захӀмат хъусса чӀумал мунал ﷺ чӀарав бавкӀуну, кумаг буллай бивкӀсса ансартурал насдулул агълу бувкӀунни Дагъусттаннаингу Идавсил ﷺ барачат лавсун. Иншааллагъ, ва барачатрал щалва Дагъусттан буцӀин баннав!

луллагъ ﷺ цалва асхӀабтуращал архӀал увкӀсса кунмасса хӀал бия. Дагъусттаннал муфтий АхӀмад-хӀажӀи Афанди бакӀчину аьлимтурал ва щалвагу Дагъусттаннаясса хакъуннал хъуна бавкӀуна ххирасса хъамал. Дагъусттаннал хӀукуматралгу, хаснува Рамазан АьбуллатӀиповлул бюхъайсса кумаг бувуна Идавсил ﷺ асарду къамул дан ва цаймигу муниципун бавкӀусса ишру щаллу бан. Идавс ﷺ ва дунияллий усса чӀумал асхӀабтурал ганаха хӀурмат буллай бивкӀсса кунма, жулва инсантурал хъунмасса хӀурмат бувуна асарду лавсун бувкӀминнаха. Идавсил ﷺ заманнай асхӀабтал занай бивкӀсса кунма, асардайн зиярат бан бювхъунни щалвагу Дагъусттаннал жамятраща. Укунсса неъмат биривну бунува,



Идавсил ﷺ кӀицӀу

Аьрабустаннавасса хъамаллурасал архӀал бувкӀунни Идавсил ﷺ чурххал бутӀа – мунал бакӀраясса ва чӀиртгараясса чӀарартту, мунай лархун диркӀсса халят ва цаймигу задру. Дия мукъагу халифтурал – Абубакардул, Оьмардул, Оьсманнул, Аьлил, Идавсил ﷺ душнил ФатӀиматлул ва цаймигу кьиматсса асарду. Цува Расу-

ца-цавайннал пайда къалавсун къабитавугу тамашасса зад бур. «Аш-Шифа» тӀисса луттираву чивчуну бур: «Идавс хъуна аву, мунал адав-хӀурмат баву хъанахъиссар мунал цинявпагу асарду хъун баву. Му ивкӀсса кӀанттурду, гьуртту хъусса ишру, мунал ка ларсса, мунащал дархӀусса затиртта хӀурмат баву». Бюхълай бунува ИдавсичӀан ﷺ



Халиф Аьли-асхӀаблул ﷺ къяпа



Идавсил ﷺ бакӀраясса чӀарарду

зияратрай къалавгминнал хӀакъираву аьлимтурал луттираву чӀявусса чивчуну бур. ХӀадисравугу увкуну бур: «ХӀажту бувну, ттучӀан зиярат къабувманал ттул чулухуннай адав дакъашиву дурссар», – куну. Мукунма, адав дакъашиву хъанахъиссар Идавсил ﷺ ца зумух ласайхтту ягу цаманал увкуну бавукун, салават къадутаву. Салаватгу дутайссар «салляллагъу аьляйгъи

«ТтучӀан Жабраил малаил увкӀун увкунна: Хъиншивуртгая арх хъуннав Рамазан барз бувгъума, амма мунал бунагъру къашовщуну ливчӀма. На учав «Амин», куну. КӀилчинмур шачӀанттуин лавхъукун, ганал увкунна: Хъиншивуртгая арх хъуннав цала чӀарав вил ца кӀицӀ ларгукун, салават къадутайма. Мунингу на «Амин» учав. Шамулчинмур шачӀанттуий лавхъукун, Жабраил мала-



Идавсил ﷺ душнил арснал ХӀусайннул ﷺ чӀарарду

ва саллям» ягу «аьляйгъи ссалляту ва ссаллям» увкуну. Цамур хӀадисраву увкуну бур: «Ца чӀумал Идавсил ﷺ увкуссар цалва асхӀабтурахъ: «Ттул минбардануцӀанмай гъан хъияра», – куну. АсхӀабтал гъан хъувкун, Идавсил ﷺ ца шачӀанттул лавай минбарданийнгу лавхъун «Амин» увкуссар. Цаннил лавай лавхъун «Амин» увкуссар. Ялагу цаннил лавай лавхъукун, шамулчингу «Амин» увкуссар. Идавс ﷺ минбардания ялавай ливкӀукун, асхӀабтурал цӀувххуссар шамилва «амин» циван увкуссия, куну. Идавсил ﷺ увкуссар:

икнал дуаь дуруна: Хъиншивуртгая арх хъуннав цалва чӀаравсса нину ва ппу хъун къабайма, миннаха хӀурмат къабайма, куну. Мунингу на «Амин» учав. Цамур риваятраву увкуну бур: Идавсил ﷺ ца кӀицӀ ларгукун, салават къадутайманал бархӀ гъагъаннав», – куну. Аьлимтурал тӀимунин бувну, Идавсил цӀанил хъирив салават къарутавугу, бюълай бунува зиярат къабавугу кунниха ку лавхъусса аьмаллуну ккалли хъанай бур, цанчирча, ми кӀивагу Идавсил ﷺ чулухуннайсса хӀурмат бакъашиву бунутӀий.



# Мубараксса чара Дагъусттаннай личантиссар

Мухаммад Идавсил ﷺ асарду лавсун увкисса шайх АхИмад бин Мухаммад аль-Хазражинал дуллунни Дагъусттаннал муфтий АхИмад-хИажи Афандинахъхъун Идавсил ﷺ чара муданна Дагъусттаннай личантиссар. Мунин хас бувсса мажлис бувунни август зурул 27-ний МахIачкъалаливсса Хъун мизитраву нюжмар-чак бувну махъ.

макъала: Ибрагъим Оьмаров

Цурда чара дакъасса, АхИмад Аль-Хазражинал буллунни му чара мийжаннугу Идавсил ﷺ душиву тасттикъ буллалисса документ. Мажлисрай бавтИминнал хъхъичI дурккунни чара ядуллай бивкИминнал цIарду дусса силсила (санад-аш-шариф). Чара дулаву цIакъ дурунни къутги сакин даврийну. «На дуллай ура шайх АхИмад-хИажи Афандинахъхъун ядан Идавсил

ﷺ чара, ттучаннагу тIайласса Идавсия ﷺ нанисса силсилалийну дирсса» – увкунни АхИмад Аль-Хазражинал. Цалва вяъзалу муналу чара увкунни шалвагу Дагъусттаннал миллатран барачат. «Ва чара ядаврихсса жавабушиву на зуй, Дагъусттаннал агъалинай дихълай ура. Вайксса бардултрал хъхъичI на зун васият буллай ура ва барачатсса чара ядуван, ваниха хIурмат буллан» – увкунни шайх-

нал. Цала чулуха АхИмад-хИажи Афандиналгу барчаллагъ увкунни Аль-Хазражинахъ, укунсса къимат бишун къашайсса бахшиш дурнутий. «ХIакъину хъанахъимунил ккаккан буллалисса Дагъусттан мийжаннуг барачатсса кIану бушиву, – увкунни муфтийнал – На зун насихIат буллай ура тавбу дан, хIакъинуния тинмай цIусса оьрму байбишин» – куну.



Дагъусттаннай къадиртсса Идавсил ﷺ чара



Чара мийжаннугу Идавсил ﷺ душиву тасттикъ буллалисса чагъар

## Салаватрал ххирашиву

1 « Яла увкуссар муналу Жабраил-лухъ: «Ва цукунсса малаикри?» – куну. Жабраиллул увкуссар: «Ва Аллагъу Тааьланал яла цацIава хъхъичIсса малаиктувратусса малаикри. Му Аллагънал ﷻ цавай къавм гъалак бан тIайла увну, муналу миндай цIими хъуну гъалак къабуллай авцIуну тIий, Аллагънал ﷻ сси бивзун мукъазарда шинай мукун увссар», – куну. Яла Расулуллагънал ﷺ цIувххууссар: «Муналу тавба дарча къамул къадантиссарив?» – увкуну. Яла му ссят Аллагънал ﷻ вахIий ливккун увкуссар: «Муналу тавба вияту ацIра салават дутавур», – куну. Яла му малаикнал дуртссар ацIра ссалават. Му ссят цалва хъичIавасса манзилалийн агъссар. Му малаикнангу арулцIалазарда лажин дуссар. Гъарца лажиннаравугу арулцIалазарва къацI буссар. Гъарца къацIивугу арулцIалазарва маз буссар. Гъарца мазралгу арулцIалазарда тасбихI дуллалиссар Аллагънаха ﷻ. Аллагъналгу ﷻ гъарца тасбихIраяту ца-ца малаикляхъан уллалиссар, салават дуртнал аьпа чIа тIунсса.

Ялагу мунил ххирашиврулу хавар: ца чIумал Жабраил увкиссар Расулуллагъналгу ﷻ хъинну ххарину. Расулуллагъналгу ﷻ увкуссар: «Цамур чIумал акъасса куцIуй личIийну ххарину увкIуннахха», – куну. Жабраиллул увкуссар: «На вихъ ца аьжаивсса хавар бусанна», – куну. «На Къафлулул зунтуйн лавхъун мунийх най уна, мунил махъ ца цIуру-кIуру тIисса, аьтIисса, тазарруъ дуллалисса чIу бавну, на мунацIан лавгссияв. Му ия яла хъунимий малаиктувратусса ца малаик, тIунагу кIулсса, навагу кIулсса. Цувагу савруннай тахлий шаяивкIун, арулцIалазарва малаикгу муналу лагма бавцIуну, мунаха къуллугърай бикIайсса, гъарца муналу бивгъусса ссихIираятугу ца-ца малаик

ляхъан айсса. Цувагу хъаругу гъаргъун, лажин лувну агъну, аьтIий оьтулу махъ дутлай. Яла на сулу бав мунахъ «Вин хъумур циири, ина ции бунагъ бав?» – куну. Муналу увкуна «Расулуллагъ ﷺ Мийражрайн лавхъсса хъхъуну ссавнил агълу циняв бивзун му хъун увуна. На тухъва амру бувсса задиртахун машгъл хъуну шаяивкIсса тахлия изан къавхъуну, му хъун ан къавхъуна. Муння Аллагънал ﷻ сси бивзун ва аькъуба дуллунни», – куну. Яла на Аллагъналгу ﷻ тазарруъ бувну, ттулва шафааьтрайну му ххассар аву тавякъюъ бувссия. Аллагъналгу ﷻ увкуна: «Му тавякъюъ къамул къабанна, муналу ацIра салават къадуртссаксса Тгулу ХIабибнаяту ﷺ» – куну. Яла му малаикнал му ссят ацIра салават дуртуна. Аллагъналгу ﷻ мунаяту аьфву бувну, цалла хъатгирдугу сагъ дурну, цалва хъхъичIавасса манзилалийн паракъат увна», – куну бувсуна. Мукун куна гъарца муьминчувугу ца бала-мусибатрал увгъувкун, ягу къашайшиврулу, захIмагъшиврулу, буруккинтарал увгъувкун, ягу мискийншиврулу, пакъиршиврулу, къюкъалашиврулу увгъувкун, ягу ца къуллугъраяту, хъуншивруту укъан увну, мунил къумашиврувун агъувкун, ягу ссавнил апатру ликлан, лухъчинулу балалду загъир хъанан бивкIувкун, салават чIаруну дутларча, миннуя имин айссар.

Утти, му салават дутаврил адабругу, мув дутаврил гъайатту, яла ххирамур хъхъичIра хъхъичI Идавсия ﷺ салават дутан кусса нийят дикIан аьркинссар дакIиву, мазрал даугу хъиннура ххирассар. Му нийятту На нийят дуллай ура идавсийн салават дутан, Ина амру бувсса куцIуй му хъун ан, лавай ан», – куну данссар. Яла «Аллагъумма салли аьла МухIаммадин ва аьла али МухIаммадин ва саллим», – увкуну дутланссар. Расулуллагъу

ﷺ цала хъхъичI ацIан увну, мунахъ хитIаб дуллай, му хъун уллай, муналу шафааьт тIалав буллай усса куна. Идавс ﷺ Аллагъналгу ﷻ ияврив василанугу увну, Аллагъу, мугу дакIний увгъуну мунил мяъналия пикригу буллай, хиялдая, хаватIирдая дакIгу марцI дурну. Мукун дакъа гъафулну, хияллащIал дуртсса салаватрал чиири бакъассар. Лахъсса чIунийну, лахъну оьвкуну дутавугу ххирассар. Гъарца му бавсса аьрши-чарил, уртту-щинал, гъарца задрал тикрал дайссар. Идавсил ﷺ увкуссар: «Ва дуняллий ттуйн салават дуртун на кIицI лавгма ссавний маликтурал кIицI лагайссар». Салават дутайсса журадугу личIиличIийсса дуссар. Мукъазарда куцIуй дутайссар. АцIния кIазарда куцIуй дутайссар тIийгума бур. Гъарца задрал ца-ца сававнугу дуссар. Миннувугу яла ххирамур, машгъурмур, кутIамур «Аллагъумма салли аьла МухIаммадин ва аьла али МухIаммадин ва саллим», ягу «Саллаллагу аьлайги ва саллам», ягу «Ва саллаллагу тааьла ва саллама аьла Расулиги МухIаммадин ва аьла алиги ва асIабигий аьма-эйна». Мунил мяънагу: «Аллагъумма – я Хъунасса Аллагъ, Салли аьла МухIаммадин – ина МухIаммадлул цIими бува, дуняллий муналу цIагу ларай дурну, Шариабтту загъир бувну, Ахиратлувугу умматиндан шафааьт биян бувну, Ва аьла али МухIаммадин – МухIаммадлул ﷺ агъулданийгу бува цими. Васаллим – ина ми сагъ-саламатту бува бала апатиртгIатту», – тIиссар. Му салаватту та дутарчагу, гъарца чIумал дутаву хъинссар. Амма му дутан яла суннатмур чIунну вайри: Расулуллагъналгу ﷻ цIа кIицI ларгукун дутавугу суннатссар ларгтари, цаманал кIицI лагарчагу, цимил кIицI лагарчагу. ХIатта му чIумал ялувссар

тIиссагума бур, къасттирай къадуртун къадитарча, бунагъралун агъайссар тIий. Расулуллагъналгу ﷻ цIа кIицI ларгукун, муналу салават къадутайманая бахилсса инсан къаикIайссар. Дуаьлулу хъичIгу, дянивгу, ахирданийгу дутавугу суннатссар. Салават къадуртна дурсса дуаьлухъун жаваб къадулайссар. Акбар увкунугу дутаванссар. Къамат учиннингугу увкуну махъгу дутаванссар. АгтахIийтулулу хъирив, хутIбалул ахирданий, жаназалулу чакливу, магъдиналулу ахирданий дутанссар. Тавба дайний, хIадис буккайний, Къуръан хатму бувкун, зикри бишайний, бивхъувкун, эдрал такбиратиртгал дянив дутанссар. Шанан икIайний, хъхъунил чак бан изайний, мизитравун уххайний, уккайний, чаклин ивссукун, лаббайк учайний дутанссар. Арамтал цацIун хъувкун, кунная-ку личIий шайний, мажлисиртгай шаяивкIувкун дутаванссар. Ссапарданий уккайний, базалулун уххайний, ичIунай уххайний, хIажат, мурад тIалаб дайний, магъар бишайни, буруккин багъувкун, вичIилулу ссалахI увкуну, аьнч увкуну, зад хъама бивтукун, хIайван биххайний. Гъарца миннуха лавхъусса иширтгIа дутаванссар хъама къадиртун. Хаснува нюжмар хъхъуну, нюжмар кини хъиннура чIаруну дутаванссар. Салават дутан яла ххирамур, лайкъмур чIунну мийри. МийцIалла салават дутарча нюжмар кини, мийцIалла шинай бувсса бунагъиртгал аьфву байссар. Ттуршра дутарча, Къиямасса Къини мунащIал архIал ца нур дикIантIиссар циняв халкъуннайх дачIирчагу, му нур цинявнан диянсса. Ми кунмасса даражартту цаймийгу чIавууссар нюжмар кини салават дутаврил.

«НасихIатуль-аьвам» («ГъучIукъатIан»)




# Мухаммад Идавсил ﷺ сипатирттая

Идавс ﷺ дуняллийн увкүкун, мунал ниттин Аминатлун ккавккун дур муная нанисса нур, лагмамур чаннагу дурну марці дуккан дулла-лисса.

макъала: Расул Мусаев

Ца ппурттуву Мухаммад ﷺ оьрчашал тГуркү тГий уна, муначан увкүну малаик Жабраил, тГитГин бувну Идавсил ﷺ хъазам, мунал кьокү мусил тГясраву зам-зам щинай шюршуну гьарца аьйрдая марці дурну дур. Идавсишал ﷺ тГуркү тГий бивкүсса оьрчГру, нигьа бувсуну, ливхьуну бур. Миннавух Мухаммадлун ﷺ накүлил уссурвалгу бивкүну бур. Ми бувкүн шаппай ниттихь – Халиматухь хьумур бувсуну бур. «Ванан цикүй хьурча, ванал жаваб цукун дулуви», — куну, пикри хьуну, нигьа бувсуну Мухаммад ﷺ ниттичГан зана увну ур.

Ца кьини Аминат Мухаммадгу ﷺ увцуну Мадиалийн гьан-маччаминначГан хьамалугу бивну зана хьуну най буна, кьашавай хьуну бивкүну бур. Му Аль-Абва тГисса кГанай бувччуну бур. Мухаммадрив ﷺ ца хьамитайпалул буттал буттГан АбдулмутГалиблүчГан иян увну ур. Идавс ﷺ цала буттал буттГачГа мйра шин хьуннин ялапар хьанай ивкүн ур. Абдул-мутГалиблүл цува ивчГан



Мигъражрал хьхьуну Идавсий ﷺ диркүсса лаххия

ﷺ цүницГакүл Шамлив лавгун ур, Хадижат тГисса хьамитайпалул хьус-лишал, даххуласу дуван. Му Хадижат бивкүн бур хьунмасса, авадансса тухумравасса щашар. Идавс ﷺ машагу бувну, хьуннасса дагьиягу ларсуну зана хьуну ур Маккалийн. Инсантуран мунал марцішиву, тГайлашиву бувчГуну, муначГансса хГурмат гьаз хьу-

каниву дирхьуну, увкуну бур: «Ккалакку». Мухаммадлун ﷺ: «ТГун ккалан кьакүлүл» увкуну бур. Жабраиллүл Идавс ﷺ гьухьа итанцГа чГувин увну ур». Увкуну бур: «Ккалакку», куну. Идавс ﷺ ялагу: «ТГун ккалан кьакүлүл» куну бур. Жабраиллүл, ялагу цал чГуян увну: «Ккалакку, Аллагьнал цГаний» куну бур. Муния махь, Мухаммад ﷺ шавай зана хьуну Хадижатухь хьумур бувсуну бур. Ххадижат бувсмунийн вих хьуну бур, инсантурава цалчин ислам кьамул дурмур хьуну бур. Яла мунил му цала буттауссу Вараку ибн НауфачГан увцуну, мунахьгу хьумур бувсуну бур. Микку муналгу Ислам кьамул дурну дур. АцГния шанна шин дурну дур Идавсил ﷺ Маккалий исламравун инсантал кГункү буллай. Яла лагмаминнал зулмулүл цГаний Мадиалийн хГижра бувну бур. Дуаь дурну шагьру азардая марці бувну бур. Мадиалийри цГүсса шариаьтрал дайдихьу хьусса. Миккури цалчинсса азан увкүсса, рамазан зурул зума, закят, париза бувсса, Иерусалимрай бивкүсса, Кьибла Маккалийн баххана бувсса. Мадиалияр Бадр тГисса кГанайн ва УхГуд зунтГучГан талатаву дуван лавгсса. Миккур хГан хГарам дурсса, таяму байсса куц лахьхьин бувсса, цГүсса «аль-хауф» чак баву бувсусса (оьрмулун нигьачГаву дуну байсса). Мадиалийри Мухаммадгу увччусса. Муниятур мунийн Идавсил ﷺ шагьру чайсса.

## Идавсил ﷺ сипатру

Идавс чурххал я лахьсса, я лагьсса кьаивкүн ур. ХьачГру гьартасса, лажиннарал чаннасса. НенттабакГ лахьсса, гьартасса бивкүн бур. Ккаккан ххуйсса яру, иттацГантту диркүн дур. Ккарччив кГяласса, кГиз хьюрухь багьсса бивкүн бур. АьнтГикГасса ссурессу, гьартасса хьазам ва бархГ бивкүн бур. ХьачГрай идавсшиврул мугьру бивкүн бур. Күямур хьачГличГан гьанну лагма чан-кьансса чГарардугу дусса гьуру бивкүн бур. Яла ссарур дусса, виричусса, хГакьсса, уздансса ивкүн ур. Махьра– махьсса, жиплуву думур, дакьарчГуну шанан утту ихьин кьашайсса ивкүн ур. Щихькүй цалвагу «кьа» тГисса махь увкуну кьабивкүн бур. Цала увкумуниву яла Аллагьная нигь дума, инсантурачГан рахГму, цГими бума ивкүн ур. Пишкеш дурмур дакьа, садакьа дурмур кьадукайсса диркүн дур. Дурмунихлугу, танияр хьунмасса, махьунмай кьабувну, кьаикГайсса ивкүн ур. Даки хьуншивур тГисса зад кьокүливу дакьасса, цала усру, янна цала дакьин дайсса, кьатлуву дайму– ниву ка бакьайсса, аваданманачГан икГу, мискинманачГан икГу ца куцГуй учГайсса. Нигь дакьасса, ца Аллагьная дакьа, душмантура-вухгума цувалу занан икГайсса ивкүн ур. Рихшант цирив, шялмахь цирив кьакүлүсса, хьинсса, тГайласса ивкүн ур.

## Идавсил ﷺ муьжизатру


Идавсил ﷺ чГярусса муьжизатру ккаккан дурну диркүн дур: барз кГигьагьан баву, кГиссурава щин дачин дурну, щаллусса аьралуннал мякь лиххан баву, ца щинал кГихГантГуй щалва аьрал чаклин биссун баву, идавсил канивун лавсьсса чартту, дукра Аллагь ﷻ хьуна уллалаву, уцу-щургьги мунахь гьалгьа тГун бикГаву, мурхьру мунахь сужда дуллан бикГаву. Оьсман-халифнан ци хьунтГиссарив бусаву. КьакьалучГасса талатаву диркүсса чГумал ца чГивисса дукралул лукьмалух шалва аьрал буччин баву. Оьмар-асхГаб цукун ивчГантГиссарив бусаву. Ссалат ва ссалам Аллагьнал ХГабибнайн. Мукунмагу ссалам мунал кулпатран ва асхГабтура, ва дуняллийн ва ахиратраву. Буваннав жувагу Цала ххираминнавух, жула гьарцаннал кьокүру ЦаначГаннасса ва цала ХхираманачГансса эшкьилул дугГин дурну.



Идавсил ﷺ ччаннал кьалип

хьхьичГ васият дурну дур, цува накьлу шайхту Мухаммад ﷺ АбуТГалиблүл цачГана уцин. АбуТГалиб Идавсил ﷺ буттауссу ивкүн ур, мунал Мухаммад ﷺ хьинну ххарину кьамул увну ур. Мухаммадлун ﷺ ацГния ца шин хьуннин, Аллагьнал ﷻ амрулийн бувну, мунал чГарав гьар мудан малаик Исрапил ивкүн ур. Муния махь Аллагьнал ﷻ малаик Жабраиллун буюр бувну бур, Мухаммадлун кГул кьахьунну, му яуллай, мунал кумаг буллай, каялушиву дуллай, чГарав икГаврин. Ца ппурттуву Мухаммад ﷺ буттауссишал Шамлив лавгун ур. Басра – шагьрудуву Идавс ﷺ ккавккун ур Аль-Бахир тГисса ххачпараснал кашишнан. Мунал АбуТГалиблүхь миннат бувну бур: «Му оьрчГаву идавсил сипатру дурча ина мунашал анаварну шавай зана хьу, жугьутГнан кГул хьуну, оьбала кьабуван» куну. Му чГумал Идавсин ﷺ ацГния кГира шин диркүн дур. Балугьравун увххуну махь Мухаммад

ну бур. Мухаммадлун ﷺ кьуния ххюра шин шайхту, Хадижатул муначГан гьан бувну бур инсантал, цуппа мунал щар хьун ччишиву бусан. Идавс ﷺ рязи хьуну, мукьцГалла шин хьусса Хадижат бувцуну бур. Оьрму наниссаксса, Мухаммад Идавсин ﷺ нахГу бизлан бивкүну бур инсантурая арх увцуну халватраву Аллагьная пикри баву. Чан-кьансса дукрагу лавсуну, лагайсса ивкүн ур, Маккалия арх бакьасса, Хираь тГисса нуххувун. Аллагьная ﷻ ва мунал ляхьан дурмуния пикрилий, гьарца панасса дуняллиясса пикрирдугу кьабивтуну, Аллагьнайн ﷻ зикрилий, чГун гьан дайсса диркүн дур. Му дуллайсса таьтрал иян увну ур Идавсшиврул макьмарайн. Ца мукунсса кьини, муначГан увкүн, малаик Жабраил, увкуну бур: «Ххари хьу, да Мухаммад На Жабраил малаикра, инарив Аллагьнал Идавсра». Муния махь эмаратругу дархГүсса дунпалланул (кусок шелка) тикагу



Идавсил ﷺ душил ФатГиматлүл сурма бишайсса кьуса



# Танин къабулланну чак?!

Дунияллийгу Ахиратравугу яла хьинмунийн тIайла уллалисса, Аллагьнал ﷻ ккаккан бувсса ххуллу – Исламри. Дин-исламрал халкъуннан бувчIин буллалиссар ва панасса дунияллий цала чIумуйсса оьрму тIайлану ва лайкъну бутан. Му Аллагьнал ﷻ тIайласса ххуллийх къананима ва оьрмулийгу ахиратравугу талихI бакъа личIантIиссар, бивкIу бувкIукунгу абадлий Дужагьрал аьзаврай икIантIиссар, Аллагьнал жува буруччиннав. ХIакъсса дингу хъанахьиссар Ислам, Аллагьну Тааьла Кьурьанналий тIий ур (мяъна): «ХIакъну Аллагьнаятусса дин Исламри», – куну. «Ислам» тIисса мукъул мяънагу «Аллагьнайн мютIину икIаву» тIиссар.

макъала: ХIажимурад МухIаммадов,  
Цуссаккуллал шярваллил имам

Пикри бувара, бурги лагмарасса дунияллух – ца куццуй аьжаивну, тамашану, махIатталну ляхъан дурсса. Ва жува яхъанахьисса дуниял ва гьарзат ваниву думур хъанахьиссар Аллагьну Тааьла ушиврул тасттикъну. Аьрщи, ссав, цIуртти, баргъ, барз, хьирирду, нехру, зунттурду, инсантал, лелуххант, хяххия ва гьарзат лярхъумур – вайннул буслай бур укунсса низамрай, цаннищал ца дархIуну, саргъуну дачин дурсса, вайннуий каялушиву дуллалисса, вай гьарзат ляхъан дурма ушиву. Ми ляхъан дурма так ца Аллагьри ﷻ хъанахьисса.

Утти, гьарзат ляхъан дурмургу чIалачIисса, лярхъушиврийгу мукIрусса, амма Аллагь акъассар тIисса инсан му цала аькьулийн мютIи къаьхъанахьисса, аькьулийн вихшала къадихълахьисса, муния цичIав мюнпат къаласласисса инсан хъанахьиссар. Мукунми Аллагьнал тIайла бацIан баннав. Нужмар-чаклий буккайсса хутIабалий тIий буссар: Да, инсантал! Аллагьну Тааьланал жува ляхъан бувсару Цахава эбадат дулланшиврул, Кьурьанналувусса аятраву Аллагьну Тааьланал тIийкун (мяъна): «На ляхъан бував жиндри ва инсантал так Тгухава эбадат дуллан» (Сура Зарият, 56 аят). Жува тIурча буру ва дунияллийсса хьуслил, арцул хьирив хъанай – хIалалсса бикIу, хIарамсса бикIу. Хьамагу битай жунма оьрмулул ахир дучIантIишиву. ХIалалмур хIисав бантIиссар ва хIараммунихъ аьзав дулунтIиссар, я муьминтал, я иман дирхъуми чантI учияра! ХIарачат бувара Аллагь ﷻ рязи уван бивкIу бучIаннин хьхьичI ва дакIний битира Къиямасса къини дучIантIишиву. Жува хIарачат бувару дунияллулсса (хьуслилсса) буван, Ахиратралсса буван тIурча мува куццуй хIарачат къабувару.

Ахиратралсса буван цукунни, куну цIуххирча – му дуван къашайсса за дакьар. Ислам къамул дуван чхисса инсаннал дакIнихтуну шагьадат дутарча му бусурманчу шайссар, Аллагьнайн шукру. Шагьадатрал



калима вари: Ашгьаду алла илагьа иллаллагь ва ашгьаду анна МухIаммадан расулулагь. Мунил мяънагу хъанахьиссар: На дакI дарцIуну, кIулу буваршинна дуллау ура Цахава эбадат дуллан лайкъсса цуцIав акъашиврий Ца Цуванусса Аллагь акъасса, ялагу на дакI дарцIуну, кIулу буваршинна дуллау ура хIакъну МухIаммад ﷺ – Аллагьнал идавс ушиврий, хIакъсса, тIайласса дин лахъхьин дан цинявпагу халкъунначIан гьан увсса. Динналул щаллушинна дуссар мунил ххюрагу рукнулий (шагьадат, чак, закят, зума, хIаж) мазрал мукIрушинна давриву, дакIниву увкумур тIайла бацIан бавриву, чурххал эбадат бавриву ва Идавсил Сунналул хьирив ачавриву. Миккугу яла чIиримур, яла чара бакъамур эбадат му гьантIун ххюва фаризасса чак, яни чара бакъа бан аьркинсса Аллагьнал ﷻ амру. Чак хъанахьиссар бусурманнал динналул ттарцIуну, Къиямасса къини Аллагьнал инсаннахъ хьхьичIва-хьхьичI цIуххисса эбадатнугу. Аллагьну Тааьланал Цайнма лавсуссар гьарца рукнурдаш, шартIирдаш шаллуну, камилну чак бувайсса Цала лагьнан Алжан булун куну. Арулла шин хьуния мукъах нитти-буттай ялувссар цалва оьрчIан, душнин чак бан лахъхьин буван. Багъайсса куццуй щаллуну бувсса чаклил инсан гьарца оьккисса, лайкъ дакъасса тIуллая уруччайссар. Мийжаннугу чIун анаварну лаглай, данна тIимургу дан кьархъунна лагай. Та заманалия ва заманалийн ламуну хьусса ЧIуртташиял Сайфулагьлул шеьрирдаву бур укунсса махъру:

**Банна-банналул гьухъа,  
Бувну кьуртал къашайсса,  
Бувну лахлан ивкIукун,  
Янна аьрну ляркьунни.**

Укун Аллагьнал ﷻ амругу банхьун тIий оьрмугу лавгуну ляхъай. Оьрмулуву чIяру-чIярусса захIматшивурттугу дучIай, ххаришивурттугу шай, бюхттулгу шай, щях ялавай оьвкьунугу лагай. Жунмагу аьркинни ссахIав къабурувгун, кIай амрурдай цIакъну бацIан. Амрурдай бавцIуну махъ, пикри бан аьркинни жула сукку тIаврил, багъу-бизулул. Динналул уссурвал ва ссурвал чак къабуллалисса бухьурча аьркинни чIал къавхьуну чак буллан байбишин. ЦичIав захIматсса чакливу бакъар, яла-яла лахъхьира АлхIам (арулува хха) ва АгтахIийят (ххюва хха). Дакинихъ лахъхьиннин бучIиссар цалсса чIапIуа ккалан канихъ дургьуну, аммарив так му хьинну агьамсса жуйва ялув Аллагьнал бивхьсса бурж махънин къабутлан. ЧIявусса чак буллан байбивхьусса инсантал бикIай пашман хъанай цивппа ччянива чак булланссияхха тIий. Миннан хIаз бизай чак къабуллансса багъантту бусайминнай, цанма дакIнин багълай цивппагу мукун тIун бикIайшиву. Ххал буварча ми багъантту бур оьван-масса, къювкъусса багъантту. Аллагьнал ﷻ кумаг баннав чаклий тIайла бацIан жулва халкъуннан. Цанчирча чак къабивтманал цалла дин лекьан дуллалиссар, чак буллалиманал тIурча цалла дин цIакъ дуллалиссар. Иншаллагь лакрал жамятраву дин цIакъ шаврицIун жулва халкъуннал хIал-ахIвал, багъу-бизу ххуй хьуннав, Аллагьнал ﷻ барачат бишиннав! Аллагьумма амин.

## Чаклил ххирашиву

Исламрал рукнурдава яла ххирамур рукну чакри, диндалул ттарцI мури. Чурххал дайсса эбадатрал яла ххирамур мури. Аллагь рязи шаймур мури. Идавстурал ссуннатри. Малаиктуран ччимурди. ЩяйтIаннул лажин лухIи даймурди. Бунагьирттал аьфву баймурди. Аллагь кIулшиврул нурди. Муьминчувнал ярагьри.

Мунийну хьусливу барачат буссар, касмулуву мюнпат хьунмассар. Гьаттаву чирахъри. Миву лув бутайсса шанур. Миву тирх учин аймурди. Мункар-Накирнахъхьун жаваб дулаймурди. Къиямасса къини ялув дацIантIисса ххютри. БакIрайсса тажри. Чурххайсса яннари, Дуржагьрал днйивсса пардаври. АллагьначIа хIуччари. Мунал хьхьичIсса нурди. Мизандалуву хьумурди, ссиратрайх лахъан аймурди. Алжаннул кIулари. Дуржагьрал къункьулари. Мунивусса фазиларду, хIикматру чIяруссар. ХIасил чакливу ацIния кIазарда хасшиву дуссар. Муниву тасбихI, тахIмид, такъдис, таъзийм дуссар. Дуаь даву дуссар, Кьурьан буккаву дуссар, цайми-цайми чIярусса эбадатру дуссар. Му чак – оьшиву яла гьан дайсса хьиншивур. Къинилий байсса ххювагу чаклил масъала, цалва къатлул хьулувух нанисса марцIсса неххал масъалар, къинилун ххюйIва чурх шюшлашисса, марцI буллалисса. Мукунма гьарца чак бувтарий хьуну бунагьру бакъамий, гьарца бунагьрая марцI хъанахьиссар, рукну-шартIгу, рукуь-сужудгу камил дарча. ХIатта Къиямасса къини инсаннал бувсса аьмаллаят хьхьичIва-хьхьичI суал бувну ургантIисса аьмал – чакри. Му тамамну къамулу бувану ляхъирчан, махъмийгу циняв къамул бантIиссар. Къальвкьурив, цинягу зия хьунтIиссар. Цинявннул ттарцI мури. Мий ххювагу чаклил цавагу къабитан цукунчIавсса рухса бакъассар, рухI къакьарттуйн дияннин, аькьулий уссаксса. Мий цалва-цалва чIумуй къабулларча, Ислам барт къалагайссар. АвцIуну къахьурчан щяивкIун банссар. ЩяивкIун къахьурчан, утту ивхьуну банссар, утту ивхьуну мукунгу къахьурча бакIрал ишара дуллау банссар, лакълай тIитIлай банссар. Мукунгу къахьурчан Аллагьну Тааьланайн умуд бур ялтту учIанссар тIий. Му чак бан ялувссагу муьминсса, бусурмансса, балугъ хьусса, аькьулу бусса, марцIсса инсаннайри. Чапурчувнай чак бан ялув бакъассар. Чапурчувну уссаксса Иман дакъанан чак дурусну бакъа тIий. Балугъ къавхьунайгу ялув бакъассар. Балугъ хьуннин мунай таклиф дакъассар. Акълу бакъасса, авлиясса, ахIмакъсса, жиндардил увсса, тунну бувксса инсаннайгу ялув бакъассар, аькьулийн кIура аяннин. КIура байихту миннайгу ялувссар. МарцI дакъасса, чак ливчIсса, оьрчI бувсса шарссанийгу ялув бакъассар марцI хьуннин. Амма вай сифатру яла ларгсса ссятрай чаклил чIун духьурча му чак бан ялувссар, хIатта ахттакъун чаклил чIумуяту ца Аллагьну Акбар учинсса чIун дуну, чапурчув бусурман хьурча ягу оьрчI балугъ хьурча, ягу авлия хьума аькьулийн кIура аярча, ягу чак личIаврил, оьрчI баврил оь кьукьирча, му ахттакъун чакгу муниар хьхьичIсса ахттайн чакгу бан ялувссар. Мукунма хъатIан чак ва маркIачIан чакгу. Амма миннай мунинин буллау ливчIсса чакру хьирив лахъан ялув бакъассар. Муртад хьусса инсантурайрив кIилчингу бусурман хьурча му муртадсса замандалувусса чакру хьирив лахъан ялувссар. Увчу хьуну, аькьулия увкун ливчIсса чакгу хьирив лахъан ялувссар. Мий ххювагу чаклияту чак бан ялувсса инсаннал къасттирай ца оьзру бакъана ца чак къабитарчан, цайва ялувшиврий инкар дурну, ялув бакъассар тIий – му чапур шайссар, чапуршиврийгу ивчIан тIиссар. Ялувшиву кIулу буна курчIил хьуну, пикри бакъашиву дурну къабитарча бунагькар шайссар.

«НасихIатуль-аьвам» («ГьучIукъатIан»)



# Цуцарниясса Абдул-Маннан

Абдул-Маннан (Апанни-усса) увну ур 1858 шинал. Мунал буттан ца диркун дур Бутта, му цува ивкун ур Хьушатусса. Бутта хьунмасса халлай зий ивкун ур Цуцарнил шяраву юзбашину ва ханнал нукарну. Ганал бувцуну бур Цуцарниясса Хурия тисса жагьилсса душ. Бутгал ва Хуриял бивкун бур ряхва оьрч: шама арс ва шанма душ. Бутгал яла чивима арс ивкун ур Абдул-Маннан.

Абдул-Маннанлул цала чярумур чун гьан дайсса диркун дур шяравусса хьун мизитраву. Мизитрал имамну зий ивкун ур Сумбатлиясса Рамазан тисса адимина, Рамазаннул Абдул-Маннаннул аьраб хларпирдай чичин, буккин лахьхьин бувну бур. Га ивкун ур паракьатсса, вьавлив актасса, хьунанал мукьух вичи дишайсса оьрч. Цува кунасса шяраваллал оьрчашал туркун-хьарч чанну бувайсса ивкун ур. Рамазаннул Буттах увкуну бур: «Вил арс хьинну пагьму бусса, дуккав-рих гьира бусса, цал-кил дурккусса дарс дакних лавхьхьун бусайсса оьрч урча, ина, лажинничча, му гьан ува дуклан», – куну.

Абдул-Манианнул 13 шин барт хьувкун, Бутгал арснах цувххуну бур: «Ургу, ттул арс, вин хьинну гьира бухьурча элму лахьхьин на ина тлайла укканна Гьумукун Авдурахман-хажиначан». Арсналгу цала Буттах увкуну бур: «Мямай, ттун хьинну ччай бур элму лахьлан, на хьхьуту, кьинигу пикрирдай уссияв, чу бурвав мадраса, ци журадул элмурду лахьлай бурвав гиву тий», – куну. Хладур бувну дучригу бутта ва арс лавгун бур Гьумукун Авдурахман-хажинал ххал увну ур Абдул-Маннан, ганан кунмур. Яла кьамул увну ур мадрасалувун. Шанна шинай га дуклай ивкун ур Гьумучиял мадрасалуву.

Гьумучиял мадрасагу кьуртал бувну Абдул-Маннан зана хьуну ур шавай. Шава зун ивкун ур имамну. Абдул-Маннан хьуну ур Ислам диндалул, шариаьтрал ххулурду ххуйну клулсса, инсаншиву дусса дивир. Цува жагьилну уна лагма-ялтгусса шархьавух ганал ца дурккун дур ххуйсса дурккучушиврул. Ганал ххуйсса чунил мизитравун бувкисса халк нюжмаркьини махлатгал байсса бивкун бур. Шапа бусса ятту-гьаттара бавххуну, цанма аьркин багьний ганал ласайсса бивкун бур яла ххирами диндалул луттирду.

1877 шинал Дагьусттаннал аьршарай оьруснал паччахьлугьарин кьаршиясса восстание хьуну дур. Му восстаниелувух хала хьуну бивкун бур диндалул аьлимтал. Восстание паракьат дурсса чумал бувгьуну бур циньяв гьуртту хьуми. Цапшара аьс бувну бур, 1000 инсан Сибирнаву тлайла бувкун бур. Чявуми ливтуну бур Сибирнаву, сагьну ливчмигу зана хьуну бур. Абдул-Маннан му чумал дуклай ивкун мадрасалуву.

Абдул-Маннаннул цал бутгал шяраву имамну зий шанна шин дур ну дур. Яла диндалул элмулул даража гьаз бан лавгун ур Кьувалив, Нухулив, Цамахлив ва Бакуйн. Тийх мунал дуллуну дур шайхшиврул ца. Ацра шинай дуклайгу ивкун, зана хьуну ур махьунай. Абдул-Маннан-нул мукьра шин дурну дур Ахтгав имамну. Микку уна хьу-лухччинулсса байсса бивкун бур усил Рамазаннул. Амма хар-хавар бакьа га кьашай хьуну ивкуну ур.

Абдул-Маннаннул багьну бур шавай зана хьун.

Абдул-Маннаннул дакних клулну бивкун бур шалва Кьуран. Кьуран бакьасса цаймигу чявусса аьраб элмулул луттирду дакних клулну бивкун бур. Мухтасар турчан шавкьирай яругу лавкун дакних буккайсса бивкун бур. Аьраб мазрай чивчусса чявусса элмулул жужру таржума бувну бур лакку мазрай.

Цуцарнил Хьун-мизит бакьасса ганал чивисса мизит бувну бур цува ялапар хьанахьисса Хьуши тисса шяраву. Га мизитрал чаравгу бувну бур чивисса



Цуцар

мадраса, 20-25 оьрч дуклансса. Лагма шархьава (Гьамияши, Ккацран, Цувкфра, Хьурхьи) бивкун бур мадраса тивтун бусса бур тий миски-гьаривнал оьрчру. 15-16 шин хьуну дур Абдул-Маннаннул мадраса тивтуну. Цала чиви мизитрал хужралух бивкун бур хьунмасса шкаф аьраб элмулул луттирдал бувцусса ва цаймигу диндалул луттирду бусса. Шяраву хьусса бивкун-букку, цуну бувсса оьрчан ца дизаву Абдул-Маннаннул дакьа кьадайсса диркун дур. Шяраваллил циньявнал ганайн Апанни-усса учайсса бивкун бур.

Апанни-уссал чявусса диндалул дустал бивкун бур: Гьумучиял Гьарун-кьади, Ваччиял Аьлибаг-хаж, Ахьушиял Чарак-кьади, Аьли-хаж, Ахттиял Гьази-Махаммад-кьади. Ганал хьамал чявусса Кураллав бивкун бур: Кураллал Хаж-Мурад, Ахттиял Абдул-Халик-хаж, Кураллал Хаж шайх Баба ва цаймигу. Ца шинал Кьурбан биххайсса кьини Апанни-уссал бивххуну бур 25 яттил хайван, яла бутри бувну шяравусса миски-гьаривнайх бавчуну бур. Ганайн учайсса бивкун бур «ми-ски-гьаривнал урчамур ка» куну. Ганал бутгал цимилагу ганащал гьалгьа бувну бур чшусса садакьа буллай ура тий. Амма Абдул-Маннан цала тимуний авцуну ур. Абдул-Маннан цал лавгун ур Туркнал оьвкусса мажлисрай. Га мажлисрай ганахьхьун буллуну бур захматсса суаллу, Туркнал аьралуннавасса дурккучуиал Ахундал. Циньяв буллусса

суаллахьхьуи ганал жавабру дуллуну дур. Яла Ахун-дал Абдул-Маннаннул дирзун дур «эфенди» тисса ца.

Хьусса Совет хкуматрал революция Абдул-Маннаннул кьамул дурну дур, гай ххув хьуншиву ва гайннал тимур бан аьркиншиврул халкьуннахь бувсуну бур, аьралуннал чулуха даьвилул комиссарнугу ивкун ур. Ганан дуллуну диркун дур Кировлул ва Орджоникидзел благодарность.

Абдул-Маннан шавай клура авну ур цала бутгал шяравун. Чумуй лавкьусса мадрасагу цунилва тивтуну бур. Апанни-уссал чявусса садакьа байсса



бивкиссар. Ганал дуллалисса даврин бигьану кумаг шайсса бивкун бур, чарив кьаклулу, цанмавагу хавар бакьа. Цуцарния Хьушав лахьайсса кланай ганал бувну бур ламу. Халкьуннал кланийн учайсса бивкун бур Апаннинал ламу. Хьурхьиял аьршарайгу бувну бур чартга шаращи, га шаращунгу учайсса бивкун бур «Апаннинал шаращи».

Шяраву кьумасса ххулурду гьарга байсса бивкун бур ялагу, цала арцуй шяравусса школа сакин бувну бур, цапшара халлай школалий лакку мазрал дарсгу дихьлай ивкун ур. Чаравсса инсантуран Апанни-уссаву чярусса аьламатру ххал шайсса диркун дур. Шяравусса инсан кьашай хьун найни, ганал циньяв каруннийх ттангьри шайсса диркун дур. Гай ттангьри кьакканшиврул гьарца мудан бартукь ялун бутайсса бивкун бур. Хьушиял шяраву шин чансса чумал ганал цала аьсав шуну ца кланттайн щин дачин дурну дур. Яла махь гикку шаращигу бувну бур. Ца кьини хьхьувай хьамалугу ивкун, Апанни-усса авчуну ур шавай Хьушив. Га тлайла уклай ивкун ур Шагьмилав тисса адимина. Жегьир ххуллийх клиягу най буна ца куну ялату валт дагьну дур хьхьичун, яла махьун. Шагьмилав нигьа увсун ур. Апанни-уссал увкуну бур: «Ина нигьа маусара, ва Аллагьнал аьламатри. Шикку кьавкмургу тачав щихьчав мабусара», – куну. Яла Апанни-усса «Аллагь» тисса махьгу увкуну акьахьуну ур.

Шагьмилавлун га цамур кланай хьуну ур, лагма чанигу лавхьун. Мукун хьуну бур шамийла-мукьийла. Апанни-уссал чявуну «Аллагь» тиссаксса арх хьанай ивкун ур Шагьмилавлуя. Апанни-усса дуньяллий усаксса Шагьмилавлул щихьчав бувсун бакьар му иширая.

Цалгу Апанни-уссагу ца шяравусса оьрчгу чу бувцуну най бивкун бур Хьурхьияту шаппайн. Цуцарнил дянив шаращи бусса кланай бияхту, Апанни-уссал увкуну бур оьрчлахь: «Ина тти насу шавай, на навалу гьаннач», – куну. Лаивкисса оьрчан



кьавккун бур Апанни-усса гьалгьа буллай клия адиминащал, щюллисса хьлатругу лархсса. Чун ларгун махь Цуцарнил жяматрал Хьун-мизитрая бувну бур шяраваллил клуб. Киву цала кьавтлаву-ссувхлатругу буллал бивкун бур. Абдул-Маннан цимилагу бувчин буллай ивкун ур шяраваллил халкьуннал кьабучишиву га мизитраву ссувхлатру буллал, барча бакьашиву дагьантиссар тий. Амма жяматрал ганах вичидирхьуну дакьар. Цала тимур инсантурал кьабувкун, ганал цува ивчаннин га клуб бувса мизитрал чарах цалагу лавгун акьар. Ганал учайсса бивкун бур: «Утти ва жула шяраву муданна мискиншиву, барачат бакьашиву яла кьагьантиссар», – куну. Апанни-усса жяматрая арх хьуну ур. Цала кьатрал чарав Хьушав бувсса мизитраву халватраун агьну кьулгьу, Кьуран, дуьрду ккалай Аллагьнай лекхаву тий гьан був-ну бур оьрму. Юзбашу Буттахьал Абдул-Маннаннул мизитрах дур ца чирисса хлатталу, циньявпа цала тухумрая ливтусса инсантал буччайсса. Цува сагьну уна Апанни-уссал га хлатталлив бувгьуну бур ахьулссапул мурхьру. Лагмавагу бувну бур чартгал чира ятту-гьаттара кьабухханшиврул. Абдул-Маннан накьлу хьуну ур 1958 шинал, оьрмулул 100 шинаву.

Аьйшат Хажиевал «Лакрал шайхтал валитал аьлимтал» тисса луттирава



**Утту ишайни ци буну хьинссар?**

Шанашаву – Аллагъу Таабаланал жунма буллусса хьунмасса неъмат хъанай бур. Шанашисса чумал инсаннал чурх ва кьюк дигъа лаглай дур, инсан игъалаглай ур. Гьарца ишираву кунна, шанан утту ишавривугу дусса цила адабру:

- 1) Хьатан чак буну махъ аьркин бакъасса гьалгьарду къабуллай, телевизорданух къауруглай утту ишаву хьинссар. Хьамаличувнашал гьалгъа бан, Къуръан буккин, элму лахъхьин бучииссар. Жула Идавсугу ﷺ хьатан чак байхтту лахьи къалавгун утту ишайсса ивкиссар.
- 2) Утту ишиннин чаклин ивссуну хьинссар.
- 3) Урчамур чулий, Кьиблин лажинну утту ишаву суннат-ссар.
- 4) Дуаь дайсса чумал кунна кару дургьуну, гайннунун «Ан-Нас» ва «Аль-Фалак» сурарду бувккуну, кару чурххайх дурккун хьинссар.
- 5) 33-ва «Субханаллагъ», 33-ва «Альхамдулиллагъ», 34-ва «Аллагъу акбар» увкуну хьинссар.
- 6) Ларгсса кьини инава цукун гьан дурну дурив пикри буну, ххуйну ларгун духьурча, Аллагънайн ﷻ шукру буну, оьккину ларгун духьурча, тавба дурну хьинссар.
- 7) Лякълуй утту ивхьуну шанан къахьинссар, муния чурхан зарал буссар, ссикл бигингу захмат шайссар.
- 8) Шану биллай бакъахурча, Къуръанналул сурарду бувкуну хьинссар.
- 9) Ххуйсса макл ккаккарча, Аллагънайн ﷻ шукру байссар. Му макл инава ххирасса инсаннахъ бусан бучииссар. Обсса макл ккаккарчарив, щихъчав къабусанссар.
- 10) ЧантI увккун ва дуаь дуккайссар: «Альхамдулиллагъи ллази ахлайана бягда ма аматана ва илайги-н-нушур».
- 11) Шанан утту ишайсса чумал нийят диклан аьркинссар хьхьувай ивзун эбадат дансса.

**Фарзуль-кифаят ссайн учайссар?**

Фарз учайссар шариабтрайн буну, чара бакъа гьарца инсаннал биттур бан аьркинмунин. Ми фарзру биттур барча, Аллагъу Таабаланал чири булайссар. Ца бияласса багъана бакъана биттур къабарча, му инсан бунагъралун агъайссар, Аллагъналгу ﷻ муна танмихI байссар. Исламраву фарзну ккаккан дурмунин вих акъасса, инкар буллалисса инсан Исламрал динналува уккайссар, чапурчув шайссар.

Фарзру буссар клива жураул: фарзуль-аьин ва фарзуль-кифаят. Фарзуль-аьин – гьарца бусурманчувнал чара бакъа дуллан аьркинмурди. Масала, гьантлун ххюва чак баву, рамазан зуруй зума дугъаву ва м.ц. Фарзуль-кифаят – бусурманнал агьулдануь ялувсса буржри. Агана шяраву ягу шагърулий кля-шамуннал барча, вайминная яла лагайссар, амма миву гьуртту хьуминнан чири буссар, гьуртту къавхьуминнан бунагъ бакъассар. Шяраву ягу шагърулий цанналагу къабарча, циняв бунагъралун багъайссар. Масала, саламрахъхьун жаваб дулаву, бивклу буччавриву гьуртту шаву ва м.ц.

**Мизитрава азанналул чу бавукун, лавай бизан аьркинссарив?**

Азан бавукун шяивкисса инсан лавай изан аьркиншиву дакъассар. Ци-дунугу дуллай ухьурча, азан къуртал хьуннин даву дацан дурну, азанналун жаваб дуллуну хьинссар, авцуну унугу, шяивкун унугу. Утту ивхьусса инсаннан азанналул чу баярча, никирттай шяивкун ганих вичи дишаву хьинссар.

**Кутласса кахри дусса хьухъуву чак бан бучииссарив?**

Бучииссар араптуннан. Аммарив лахьисса кахри духьурча хьинссар. Хьаннин къабучииссар.

**Мизитраву чак бан мудан ца клану бугьлан бучииссарив?**

Гьарца чумал цава-ца кланай чак буллалаву къахьинссар, карагъатссар, цанчирча, му-кун чак бувайнал дакI хьун хьун бюхъайнутий.

**«Ясин» лакку мазрай буккин бучииссарив?**

Къабучииссар, Къуръан так араб мазрайри буккин аьркинсса.

**ХИАЖ-2013**

**Хурмат бусса лакрал жамат, уссурвал ва ссурвал! Сакин буллай буру гьашину цала кашилийну Хиажлив гьан ччисса лакрал группа. Цуххаву дан хьунтиссар ва номерданийн оьвкуну: 8-989-864-32-69**

**ДУАЬ**

ЦА ДАВУ ДАЙДИШАЙНИ УЧА

رَبَّنَا آتِنَا مِن لَّدُنكَ رَحْمَةً وَهَيِّئْ لَنَا مِنْ أَمْرِنَا رَشَدًا رَبِّ اشْرَحْ لِي صَدْرِي وَيَسِّرْ لِي أَمْرِي وَاحْلُلْ عُقْدَةً مِّن لِّسَانِي لَا حَوْلَ وَلَا قُوَّةَ إِلَّا بِاللَّهِ الْعَلِيِّ الْعَظِيمِ رَبِّ يَسِّرْ وَلَا تَعَسِّرْ

Раббана атина мин ладунка рахIматан ва гъайиъ лана мин амрина рашадан. Рабби-шрахI ли садрий ва яссир ли амрий вахIлул оькъдата-м-мин лисаний. Ла хIавла ва ла къуввата илла биллагъил аьлийил аьзийм.  
Рабби яссир вала туаьссир

**Хурмат бусса уссурвал ва ссурвал!  
Зунма цуххин ччисса,  
Исламрацун, Шариабтрацун,  
кулпатрал багъу-бизулуцун бавхлусса ва цаймигу суаллу  
гьан бан бюхъайссар SMS – райхчин 8-928-580-37-89  
номерданийн, ягу 51-85-22 номерданийн оьвкуну  
цуххин.  
e-mail: assamlak@mail.ru**

**Медресе имени шейха Мухаммад-Арифа и Дагестанский Исламский Университет имени шейха Мухаммад-Арифа**

ОБЪЯВЛЯЮТ ПРИЕМ АБИТУРИЕНТОВ НА ОЧЕРЕДНОЙ 2013/2014 УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».



Продолжительности обучения:

в Медресе – 3 года;

в Дагестанском исламском университете – 5 лет.

ПЕРЕЧЕНЬ ДОКУМЕНТОВ НЕОБХОДИМЫХ ДЛЯ ПОСТУПЛЕНИЯ:

1. Нотариальная копия документа о среднем общем образовании (поступающим на базе основного общего образования (9 класс.) вместе с нотариальной копией аттестата необходимо представить справку со школы о переходе на семейную форму обучения)
2. Копия паспорта;
3. Фотокарточки размером 3/4 в количестве пяти штук;
4. Медицинская справка Ф 086;
5. Копия прививочного сертификата Ф 156/у-93;
6. Рекомендация от преподавателя религиозного обучения либо от руководителя мечети (имама) расположенной по месту жительства абитуриента.

Наш адрес: г. Махачкала, ул. Дахадаева, д. 136

Тел.: (8722) 67 55 08; 8 988 294 56 16

**Рузнама****Октябрь**

Кьини	Кьорхил чак	Баргъ букваву	Ахтгайн чак	Ахтгакьун чак	МаркIачан чак	Хьатан чак
1	5:07	6:42	12:39	15:56	18:36	20:00
2	5:08	6:43	12:38	15:54	18:34	19:58
4	5:11	6:45	12:37	15:51	18:30	19:54
6	5:13	6:48	12:37	15:49	18:26	19:51
8	5:16	5:50	12:36	15:47	18:23	19:47
10	5:18	6:52	12:35	15:44	18:19	19:43
12	5:20	6:55	12:35	15:41	18:15	19:40
14	5:22	6:58	12:35	15:39	18:13	19:38
16	5:25	7:00	12:34	15:37	18:09	19:35
18	5:27	7:02	12:34	15:34	18:06	19:31
20	5:29	7:05	12:34	15:32	18:03	19:28
22	5:31	7:07	12:33	15:30	18:00	19:25
24	5:33	7:10	12:33	15:28	17:57	19:22
26	5:35	7:13	12:33	15:26	17:55	19:20
28	5:37	7:15	12:33	15:24	17:52	19:18
30	5:39	7:17	12:33	15:22	17:50	19:16